

四庫全書


史部

欽定四庫全書



明集禮卷六一

明集禮卷六

親王祀仁祖廟圖



王國祭仁祖廟版位圖



仁祖廟陳設圖

白餅



糗餌

粉齋

榛

菱

獎

鹿脯



棗

栗

牲

燭

肉羹

大養

稷

梁

10

3

幣

牲



沙池



稿

5

2

肉羹

大養

牲

燭



祝

卷



脾

豚拍

融



仁祖廟樂圖

明集禮卷六四

搏拊
搏拊
歌工
歌工
歌工
歌工
歌工
歌工

樂工

祝

瑟 瑟 琴 琴 琴 琴 琴 瑟 瑟

鐘

笛 笛 簫 簫 塤 塤

笙 笙 簫 簫 笙 笙

樂工

歌

搏拊
搏拊
歌工
歌工
歌工
歌工
歌工
歌工

瑟 瑟 琴 琴 琴 琴 琴 瑟 瑟

磬

塤 塤 簫 簫 笛 笛

笙 笙 簫 簫 笙 笙

仁祖廟時享

禮物

幣用白繒長一丈八尺

祝版用梓木長一尺二寸廣九寸

或用楸木

牲用犢一純色

羊一 豕一

五齊

泛齊 醴齊 盎齊 醕齊

沈齊

三酒

昔酒 事酒 清酒

登實大羹

鉶實肉羹

簋實黍稷

簋實稻粱

籩實鹽 醢魚 棗 栗 榛

菱 芡 鹿脯 黑餅

白餅 糗餌 粉餐

豆實韭菹 醯醢 菁菹 鹿醢

芹菹 兔醢 笋菹 魚醢

脾析 豚拍 醢食 糝食

禮器

登三

銅三

簠二

簋二

簋十二

豆十二

爵三

玷一

沙池一

幣篚一

酒尊并杓

爵洗尊 盆杓巾

盥洗尊 盆杓巾

香爐 燭臺 香架 版位

花瓶 拜席 牲匣

親王祭仁祖廟儀

齋戒 前期王散齋四日致齋三日陪祭官執事官齋
一日

省牲 前祭一日典祠設省牲位廟門外之東南典祠

啟王服遠遊冠絳紗袍典儀典祠導引王至省牲位執
事官牽牲自東西行過省訖牽詣神厨典祠啟王詣神
厨典祠典儀導引至神厨典祠啟王視鼎鑊啟視滌漑
遂烹牲

陳設 典祠前祭一日陳設如圖儀

正祭 祭日清晨典祠率執事者各實尊罍籩豆登鉶
簋簠置篚幣于案祝版于仁祖神位之右樂生舞生入
就位諸執事入就位典祠啟王服冕服典儀典祠導引

王自左南門入就位

迎神 司禮唱迎神樂工奏淳和之曲司禮唱行禮典
祠啟有司謹具請行事啟鞠躬拜興拜興平身司禮唱
在位陪祭官再拜司贊唱鞠躬拜興拜興平身王與在
位官皆鞠躬拜興拜興平身

奠幣初獻 司禮唱奠幣行初獻禮典祠啟詣盥洗位
典祠典儀導王至盥洗位典祠啟搢圭王搢圭典祠啟
盥手司盥洗者酌水王盥手訖司巾者以巾進典祠啟

執手王執手訖典祠啟出圭王出圭典祠啟詣爵洗位
典祠典儀導王至爵洗位典祠啟搢圭王搢圭執事者
以爵進典祠啟受爵王受爵典祠啟滌爵司爵洗者酌
水王滌爵訖典祠啟拭爵司巾者以巾進王拭爵訖典
祠啟以爵授執事者王以爵授執事者典祠啟出圭王出
圭典祠啟詣酒尊所典祠典儀導王至酒尊所執爵者
以爵進典祠啟受爵王受爵司尊酌犧尊之醴齊畢典
祠啟以爵授執事者王以爵授執事者典祠典儀導王

至仁祖神位前樂工奏保和之曲

闕

之舞捧爵捧幣

前行典祠典儀導王至神位前典祠啟跪王跪掌祭詣
案捧香跪進于王之左典祠啟搢圭上香上香三上香
王搢圭三上香訖捧幣者捧幣跪進于王之右王受幣
奠于神位前捧爵者捧爵跪進于王之右王受爵典祠
啟祭酒祭酒三祭酒奠爵王祭酒奠爵訖典祠啟出圭
王出圭讀祝官取祝版于神右東向跪讀訖典祠啟俯
伏興拜興拜興平身王俯伏興拜興拜興平身典祠啟

復位典祠典儀導王復位

亞獻 司禮唱行亞獻禮典祠啟行亞獻禮掌祭官於

神前爵內斟酒樂工奏清和之曲闕之舞典祠典儀

導王至仁祖神位前典祠啟鞠躬拜興拜興平身王鞠

躬拜興拜興平身典祠典儀導王復位

終獻 司禮唱行終獻禮典祠啟行終獻禮掌祭官於

神前爵內斟酒樂工奏成和之曲闕之舞典祠典儀

導王至仁祖神位前典祠啟鞠躬拜興拜興平身王鞠

躬拜興拜興平身典祠典儀導王復位

飲福受胙 司禮唱飲福受胙執事酌福酒舉胙肉典
祠啟鞠躬拜興拜興平身王鞠躬拜興拜興平身典祠
啟跪搢圭王跪搢圭執事捧福酒東向跪進于王王受
福酒典祠啟飲福酒王祭酒少許飲福酒以爵置于玷執
事東向跪進胙于王王受胙以胙授左右左右西向跪
受興典祠啟出圭王出圭啟俯伏興拜興拜興平身王
俯伏興拜興拜興平身典祠啟復位典祠典儀導引復

位

徹豆 司禮唱徹豆樂工奏嘉和之曲掌祭官徹豆司
禮唱賜胙典祠啟王飲福受胙免拜司禮唱陪祭官皆
再拜司贊唱鞠躬拜興拜興平身陪祭官皆鞠躬拜興
拜興平身

送神 司禮唱送神樂工奏德和之曲典祠啟鞠躬拜
興拜興平身司禮唱陪祭官皆再拜司贊唱鞠躬拜興
拜興平身王與陪祭官皆鞠躬拜興拜興平身

望燎 司禮唱望燎讀祝官取祝捧幣官取幣掌祭官

取饌詣燎樂工奏

闕

之曲典祠啟王詣望燎位

樂止

典祠典儀導王至燎位候燎將半司禮唱可燎典祠啟
禮畢導王還次引禮引陪祭官以次出

品官家廟

周制祖廟天子七諸侯五大夫三適士二官師一庶士
庶人無廟祭於寢漢世公卿貴人多建祠堂於墓所魏
晉以降漸復廟制其後遂著為令以官品為所祀世數

之差唐制文武官二品以下祠四廟五品以上祠三廟
牲皆用少牢六品以下達於庶人祭祖禰於正寢五代
蕩析廟制遂絕宋興仁宗閔羣臣貴位公相而祖禰食
于寢儕於庶人遂命禮官儒臣議定廟制自平章事以
上立四廟東宮少保以上立三廟餘官並祭于寢至徽
宗大觀中又令文臣執政官武臣節度使以上祭五世
文武陞朝官祭三世餘祭二世其後終以有廟者之子
孫或官微不可以承祭又朝廷難盡推襲爵之恩遂不

果行先儒朱子約前代之禮創祠堂之制為四龕以奉
四世之主並以四仲月祭之其冬至立春季秋忌日之
祭則又不與乎四仲之內至今士大夫之家遵以為常
凡品官之家立祠堂于正寢之東為屋三間外為中門
中門為兩階皆三級東曰阼階西曰西階階下隨地廣
狹以屋覆之令可容家衆叙立又為遺書衣物祭器庫
及神厨於其東繚以外垣別為外門常加扃閉祠堂之
內以近北一架為四龕每龕內置一卓高祖居西第一



龕高祖妣次之曾祖居第二龕曾祖妣次之祖居第三龕祖妣次之考居第四龕妣次之神主皆藏於櫝置於卓上南向龕外各垂小簾簾外設香卓於堂中置香爐香合於其上旁親之無後者以其班祔設主櫝皆西向庶人無祠堂惟以二代神主置於居室之中間或以他室奉之其主式與品官同而無櫝國朝品官廟制未定於是權倣朱子祠堂之制奉高曾祖禰四世之主亦以四仲之月祭之又加臘日忌日之祭與夫歲時俗節之

薦享至若庶人得奉其祖父母父母之祀已有著令而
其時享於寢之禮大槩畧同於品官焉

欽定四庫全書

卷六


家廟圖




神主式

明集禮卷六十七

全式




分式 三分之一居前




後

連額三分之一居後



木主 跌式



方四寸
厚寸二分


伊川先生云作主用栗取法於時日月辰跌方四寸象歲之四時高尺有二寸象十二月身博三十分象月之日厚十二分象日之辰身跌皆厚一寸二分刻上五分為圓首寸之下勒前為額而判之一居前二居後前四分後八分

陷中以書爵姓名行書曰官某公諱某字某弟幾神主陷中長六寸闊一寸植於跌身出跌上一尺八分并跌高一尺二寸竅其旁以通中如身厚三之一謂圓徑居二分之一謂在七寸四分謂在七寸粉塗其前以書屬稱屬稱屬謂高曾祖考稱謂才幾郎旁題主祀之名曰孝幾公子某奉祀加贈易世則筆滌而更之水以洒外改中不改廟牆

積韜藉式

明集禮卷六 十八

面頂俱虛




蓋安全出厚淵蓋底

平頂 四向直下正淵旁狹




蓋皆以黑漆飾之

韜全式



式如斗帳合縫居居之自中用線縫主身下

韜縫式



藉



方淵與積內同疊布加厚蓋以帛考紫姚緋囊亦如之


程先生本主之制取象甚精可以為萬世法然用其制者多失其真往往不攷用尺之長短故也蓋周尺當今省尺七寸五分弱而程氏文集與溫公書儀多誤注為五寸五分弱而所謂省尺者亦莫知其為何尺時舉舊實質之晦翁先生答云省尺乃是京尺溫公有圖子所謂三司布帛尺者是也維從會稽司馬侍郎家求得此圖其間有古尺數等周尺居其右三司布帛尺居其左以周尺校之布帛尺正是七寸五分弱於是造主之制始定今不敢自隱因圖主式及二尺長短而著伊川之說於其旁庶幾用其制者可以曉然無惑也嘉定癸酉季秋乙卯臨海潘時舉仲善父識

櫝式

明集禮卷六十九

平頂四直

前作兩窓啓閉




下作平底臺座

尺式


當今省尺五寸五分弱

古尺



當三司布帛尺七寸五分弱當浙尺八寸四分

周尺



神主用周尺亦見南軒家所刻本

三司布帛尺

比上周尺更加三寸四分

即是省尺又名京尺當周尺尺三寸四分當浙尺尺三寸三分

品官享家廟儀

時日 凡四時之祭用仲月並於孟月下旬之首擇仲月三旬各一日或丁或亥主祭盛服率兄弟子孫立於祠堂階下北面置卓子於主祭之前設香爐香合環琬於其上主祭以下皆再拜訖主祭焚香薰琬祝曰某將以來月上旬某日祇薦歲事于祖考即以琬擲于地以一俯一仰為吉不吉更卜中旬之日又不吉則不復卜而直用下旬之日既得日乃復位再拜而退若臘日忌

日俗節之薦享則不必卜

齋戒 前期三日主祭率衆丈夫致齋于外主婦帥衆婦女致齋于內沐浴更衣飲酒不得至亂食肉不得茹葷不弔喪不聽樂凡凶穢之事皆不得預

陳設 前一日主祭帥子弟及執事灑掃正寢洗拭椅卓務令蠲潔設高祖考妣於堂西北壁下南向考西妣東各用一椅一卓而合之曾祖考妣祖考妣考妣以次而東皆如高祖之位世各為位不相連屬別設旁親無

後及卑幼先亡者祔食位于東西壁下凡伯叔祖考妣
伯叔考妣兄弟嫂妻弟婦子姪子姪婦之屬皆右男子
左婦女東西相向以北為上

凡屋不問何向但以前為
南後為北左為東右為西

設香案於堂中置香爐香合於其上東茅聚沙於香案
前及逐位前地上設酒案於東階上別置卓子於其東
設酒注一盃酒盞一鹽櫟醋瓶於其上火爐湯瓶香匙
火筯於西階上別置卓子於其西設祝版於其上設盥
盆匱巾各二於阼階下之東又設陳饌大床于其東

省饌 前一日主祭率衆丈夫省牲涖殺主婦帥衆婦
女滌濯祭器潔釜鬲具祭饌每位果六品菜蔬及脯醢
各三品肉魚饅頭糕各一盤羹飯各一碗肝各一串肉
各二串務令精潔未祭之前勿令人先食及為猫犬虫
鼠所汚

行事 祭之日質明主祭以下各具服主祭者見居官
則唐帽束帶婦人曾受封者則花釵翟衣士人未為官
者則幅巾深衣庶人則巾衫結條婦人則大襖長裙首

師如制主祭以下具服訖盥手拱手詣正寢神位前設
蔬果酒饌設果牒於卓子南端蔬果脯醢相間次之設
盞拌醋牒於北端盞西牒東匙筋居中設酒瓶於架上
熾炭于爐主婦炊暖祭饌皆令極熱以合盛出置東階
下大床上次詣祠堂前階下序立主祭位于東兄弟以
下位于主祭之東少退子孫及外執事者以次重行列
于主祭之後主婦位在西弟婦姊妹位于主婦之西少
退女子子婦及內執事者亦以次重行列於主婦之後

皆北向其有伯叔父母位次並居主祭主婦位稍前主祭有母則特位於主婦之前叙立訖主祭升自阼階焚香告曰孝孫某今以仲春之月

夏秋冬同

有事于顯高祖考

某官府君顯高祖妣某封某氏顯曾祖考某官府君顯曾祖妣某封某氏顯祖考某官府君顯祖妣某封某氏顯考某官府君顯妣某封某氏以某親某官府君某親某封某氏祔食敢請神主出就正寢恭伸奠獻告訖歛櫝正位祔位各置一筭各以執事者一人捧之主祭前

導主婦以下皆從至正寢置於西階卓子上主祭啟櫝
奉諸考神主出就位主婦奉諸妣神主就位其祔位則
各用子弟一人奉之既畢主祭以下皆降復位

參神 主祭以下叙立如祠堂之儀立定俱再拜若尊
長老疾者則休于他所

降神 主祭升詣香案前焚香少退立執事者一人實
酒于注一人取東階卓子上盤盞立於主祭之左一人
執注立於主祭之右主祭跪捧盤盞盞者亦跪進盤盞主

祭受之執注者亦跪斟酒于盞主祭者左手執盤右手執盞灌于茅上以盤盞授執事者俛伏興再拜降復位進饌主祭升主婦從之執事者一人以盤奉魚肉一人以盤奉米麵食一人以盤奉羹飯從升至高祖位前主祭奉肉奠于盤盞之南主婦奉麵食奠于肉西主祭奉魚奠于醋櫟之南主婦奉米食奠于魚東主祭奉羹奠于醋櫟之東主婦奉飯奠于盤盞之西以次設諸正位使諸子弟婦女各設祔位皆畢主祭以下皆降復位

酌獻 主祭升詣高祖位前執事者一人執酒注立于其右冬月即先暖之主祭奉高祖考盤盞位前東向立執事者西向斟酒于盞主祭奉之奠于故處次奉高祖妣盤盞亦如之奠訖位前北向立執事者二人舉高祖考妣盤盞立于主祭之左右主祭跪執事者亦跪主祭受高祖考盤盞右手取盞祭之茅上以盤盞授執事者反之故處受高祖妣盤盞亦如之俛伏興少退立執事者炙肝於爐以楪盛之兄弟之長一人奉之奠于高祖

考妣前匙筋之南祝取版立於主祭之左跪讀曰維年
歲月朔日子孝玄孫某官某敢昭告于顯高祖考某官
府君顯高祖妣某封某氏氣序流易時維仲春追感歲
時不勝永慕敢以潔牲柔毛粢盛醴齊祇薦歲事以某
親某官府君某親某封某氏祔食尚享畢興主祭再拜
退詣諸位獻祝如初每逐位讀祝畢即兄弟衆男之不
為亞終獻者以次分詣本位所祔之位酌獻如儀但不
讀祝獻畢皆降復位執事者以他器徹酒及肝置饌于

故處曾祖前稱孝曾孫祖前稱孝孫考前稱孝子改不勝永慕為昊天罔極凡祔者伯叔祖父祔于高祖伯叔父祔于曾祖兄弟祔于祖子孫祔于考餘皆倣此如本位無即不言以某親祔食亞獻則主婦為之諸婦女奉炙肉及分獻如初獻儀但不讀祝終獻則兄弟之長或長男或親賓為之衆子弟奉炙肉及分獻如亞獻儀

脩食 主祭升執注就斟諸位之酒皆滿立於香案之東南主婦升扱匙飯中西柄正筯立於香案之西南皆

北向再拜降復位

闔門 主祭以下皆出祝闔門無門處即降簾可也主祭立於門東西向衆丈夫在其後主婦立於門西東向衆婦女在其後如有尊長則少休於他所此所謂厭也啟門 祝聲三噫歆乃啟門主祭以下皆入其尊長先休于他所者亦入就位主祭主婦奉茶分進于考妣之前祔位使諸子弟婦女進之

受胙 執事者設席於香案前主祭就席北面祝詣高

祖考前舉酒盤盞詣主祭之右主祭跪祝亦跪主祭受盤盞祭酒啐酒祝取匙并盤抄取諸位之飯各少許奉以詣主祭之左嘏于主祭曰祖考命工祝承致多福于汝孝孫使汝受祿于天宜稼于田眉壽永年勿替引之主祭置酒于席前俛伏興再拜跪受飯嘗之實于左袂掛袂于季指取酒卒飲執事者受盞自右置注旁受飯亦如之主祭俛伏興立於東階上西向祝立於西階上東向告利成降復位與在位者皆再拜主祭不拜降復

位


辭神 主祭者以下皆再拜

納主 主祭者與主婦皆升各奉主納于櫝主祭以筭
歛櫝奉歸祠堂如來儀

徹 主婦還監徹酒之在盞注他器中者皆入于瓶緘
封之所謂福酒果蔬肉食並傳之燕器主婦監滌祭器
而藏之

餼 是日設席男女異處尊行自為一列南面自堂中

東西分首若止一人則當中而坐其餘以次相對分東西向就坐行酒薦食酒饌不足則以他酒他饌益之將罷主祭頒胙于外僕主婦頒胙于內執事者徧及微賤其日皆盡



明集禮卷六

欽定四庫全書

史部
明集禮卷八

詳校官監察御史_臣劉芬

編修_臣程嘉謨覆勘

總校官知縣_臣楊懋珩

校對官中書_臣牛稔文

謄錄監生_臣沙重輪

欽定四庫全書

明集禮卷七

宗廟祭器

豆

簋

簋巾

登

鉶

簋

簋

爵

站

圭璜

璜槃

雲站

沙池

牛鼎

羊鼎

豕鼎

鼎局

鑾刀

俎

壺尊

太尊

著尊

山尊

犧尊

象尊

山壘

彝

舟

鷄彝

舟

斚彝

舟

黃彝

舟

鳥彝

舟

蜚彝

舟

虎彝

舟

匜

槃


洗

洗壘

洗勺


篚

豆




豆按聶氏圖制豆受四升口圓徑尺二寸高一尺
厚半寸有蓋古以木為之宜濡物後世用銅鑄重
五斤二兩五錢通足蓋高七寸五分口徑六寸一
分

簋




籩古以竹為之口有籐緣形制如豆亦受四升宜
置乾物通足高七寸口徑五寸七分

邊巾



遶巾古用綌玄被纁裏圓一幅今用絺或木綿青
被畫斧文裏用絳繒自方一尺四角墜以錫

登




登盛大羹之器也木謂之豆竹謂之籩瓦謂之登
三豆殊名其制無異後世用銅重八斤通足蓋高
八寸二分口徑七寸二分

銅

欽定四庫全書



明集禮

六



銅盛和羹之器也受一斗口徑及深皆六寸三足
足高一寸兩耳有蓋重九斤通足蓋高九寸口徑
七寸二分深三寸五分

簠



簋按博古圖錄簋為外方而內圓穴其中以實稻
梁刻木為之上作龜蓋者非是後世以銅為之重
十四斤八兩通蓋足高七寸四分口徑長尺一分
橫闊八寸一分

金




大正四年

明集

一

簋按博古圖錄簋為外圓而內方穴其中以實黍稷刻木為之上作龜蓋者非是後世以銅為之重十一斤通蓋足高七寸三分口徑長八寸三分橫闊六寸八分

爵




爵按陸氏禮象載古銅爵制有首有尾有柱有足
又博古錄爵取雀之象前若喙後若尾兩柱三足
有流有螭禮圖作雀形負琖者皆漢儒之臆說也
後世所造重一斤七兩通柱高七寸七分口徑長
七寸三分口闊三寸一分兩柱高一寸六分

站

次定回車全書

明集禮



十


圻用以致爵亦以承尊施之燕射則謂之豐後鄭
注云豐似豆而卑斲木為之口負微侈徑尺二寸
其周高厚俱八分中央直者與周通高八寸橫徑
八寸足高二寸下徑尺四寸後世用銅圻其形四
方中央微高約半寸許周圍負紋深如溝可受齊
醴之餘漑下微有底措諸地而用之

圭瓚




圭瓚聶氏圖周禮玉人云裸圭尺有二寸有瓚以
祀廟後鄭云裸謂以圭瓚酌鬱鬯以獻尸也瓚如
槃大五升口徑八寸深二寸其柄用圭有流前注
流謂鼻也凡流皆為龍口又鄭氏箋詩圭瓚以圭
為柄黃金為勺青金為外朱中央聶氏云圭柄金
勺牝牡相合處各長三寸厚寸博二寸半流道空
徑可五分元制以白金為之玉為柄通長一尺五
寸口徑負闊六寸

瓚槃



瓚槃典瑞注云漢禮瓚大五升口徑八寸下有槃口
徑一尺聶氏云此瓚下之槃亦宜用黃金青黃為
外朱中央圭瓚既深二寸此槃宜深一寸足徑八
寸高二寸又按宋親享儀有奉瓚槃官皇帝行禮
奉瓚槃官皆從洗瓚則進瓚裸鬯訖則以槃受瓚
今擬以金為之

雲拈



雲站用以置尊形如豐站而兩耳作雲形重七斤
通身高三寸三分口徑一尺足徑六寸兩耳雲各
長七寸

沙池


欽定四庫全書

茅苴

胡集禮


承茅苴用以縮酒者也古無其制後世所造用銅
重二十七斤通身高四寸面徑尺三寸其口徑九
寸底闊一尺九寸

牛鼎




牛鼎受一斛天子飾以黃金以黍寸之尺計之口
徑底徑及深俱一尺三寸三足如牛上以牛首飾
之羊豕鼎同皆用聶氏之說也

羊鼎



羊鼎受五斗口徑底徑俱一尺深一尺一寸

豕鼎



承鼎受三斗口徑底徑皆八寸深九寸彊

鼎局

欽定四庫全書

卷

明倫彙編

--	--	--


六

鼎局以舉鼎鄭注匠人云牛鼎局長三尺羊鼎局長二尺五寸豕鼎局長二尺天子以玉飾兩頭各三寸鼎冪公食大夫禮冪者若束若編注云凡鼎冪蓋以茅為之長則束本短則編其中央此蓋令其緻密不洩氣也

鼎匕所以載牲體者也長三尺用棘又有䟽匕刻畫雲氣通飾其柄形如飯棗以棘為之長二尺四葉長八寸博三寸其柄通䟽皆丹漆之又有挑匕

抒物於器中者漆柄末及淺升中皆朱長短廣狹
與䟽乚同又有畢狀如义用以舉肉葉博三寸中
鏤去一寸柄長二尺四寸漆其柄末及兩葉皆朱
今備其說以俟舉行

鑒刀




鑾刀按禮記郊特牲云割刀之用而鑾刀之貴貴其義也聲和而後斷也公羊傳注鑾刀宗廟割切之刀環有和鋒有鑾宋胡瑗言鑾刀制度鑾鈴在鋒聲合宮商用鈴二和鈴在環聲合徵角羽用鈴三郊廟合用鑾刀二其圜丘用者不以金裝只以黑漆其柄宗廟以金裝之

俎

大司馬司馬司士


明集禮

二十二




俎長二尺四寸廣尺二寸高尺漆兩端赤中央黑
禮曰周以房俎鄭注足拊上下兩間有似於房元
制長一尺九寸闊一尺三寸高一尺二寸染兩端
以黑中以朱

畫尊



壺尊古者以壺為尊今其狀類之亦曰壺尊後世
所造重八斤通足高八寸五分口徑五寸三分腹
徑七寸五分


太尊



太尊有虞氏之尊也古用瓦無飾後世所造者重
八斤通足高八寸八分口徑五寸五分腹徑八寸


二分

著尊




著尊殷尊也著地無足後世所造者重七斤通底
高八寸五分口徑五寸一分腹徑八寸

山尊




山尊夏后氏之尊也刻山雲形後世所造者重六斤四兩通足高九寸二分口徑六寸二分

犧尊




犧尊周尊也王肅注禮以犧象二尊並全刻牛象
之形鑿背為尊後世所造者重一十四斤通耳足
高一尺一寸二分耳高八分身長一尺二寸二分

象尊



象尊亦周尊也制與犧尊同後世所造者重一十五斤八兩通足攀高一尺身長一尺六寸

山罍




山罍周禮司尊彝云追享朝享其再獻用兩山尊
注云山尊山罍也明堂位曰山罍夏后氏之尊亦
刻而畫之為山雲形按此尊罍似為一器然六尊
之下皆有罍又開元禮宗廟春夏每室雞彝一鳥
彝一犧尊二象尊二山罍二於罍上加一山字故
聶氏據禮記爾雅謂彝卽罍皆盛酒尊後世所造
者重六斤一十二兩通足高八寸四分口徑六寸
七分

彝



彝古商制無舟元用之於宗廟又有所謂彝盆者
副焉蓋其舟也重九斤八兩通足高六寸口徑八
寸足徑八寸

舟



舟重一十斤通足高四寸口徑一尺二寸五分足
徑七寸


雞彝



舟

金
ノ
ヒ
ノ
ノ
ノ

老
七



葦羹





黃彝





鳥彝




欽定四庫全書

明集禮

圖

舟

卷七




雌彝



舟


卷七



虎彝




舟



六彝之飾各畫本象雖別其形容受皆同重二十
二斤通足高一尺二寸口腹徑一尺足徑八寸以
下尊彝黃彝鳥彝蜚彝虎彝尺度皆同舟重一十
五斤通足高四寸口徑一尺五寸三分以下五彝
之舟皆同

也




匱盥手澆水器也孔義云似羹魁柄中有道可以
沃水公食大夫禮注君尊不就洗故設槃匱天子
飾以黃金盖用博古圖夔匱之制也

槃博古
圖式



洗



盥槃承盥洗者棄水之器亦謂之洗重一十二斤
通足高八寸口徑一尺六寸足徑六寸攝祀用之
若天子親祀之槃宜取博古圖制

洗勺




洗壘



洗壘凡設水用壘重二十五斤通足高一尺口徑
八寸八分腹徑一尺四寸

洗勺受一升為龍頭柄長二尺四寸餘制並同爵
勺

籬



筐以竹為之長三尺廣一尺深六寸足高三寸實
勺爵盛玉幣者以用之

明集禮卷七